



Prihvaćen prijedlog sarajevskog Tužilaštva

Četvorka osumnjičena za dilanje droge iza rešetaka

Elvedinu Zemaniću, Samiru Kondi, Mirzi Mahoviću i Samiru Misiću, koje je SIPA uhapsila u ponedjeljak, pritvor određen zbog bojazni da bi njihovo puštanje na slobodu rezultiralo prijetnjom narušavanja javnog reda i mira

Sudija za prethodni postupak Jasenko Ružić prihvatio je prijedlog sarajevskog Kantonalnog tužilaštva, te na ročištu održanom jučer u Kantonalnom sudu u Sarajevu, odredio jednomjesečni pritvor Elvedinu Zemaniću, Samiru Kondi, Mirzi Mahoviću i Samiru Misiću, koje su službenici SIPA uhapsili u ponedjeljak u sklopu akcije Glečer.

Pritvor je određen zbog postojanja naročitih okolnosti koje ukazuju da bi njihovo puštanje na slobodu rezultiralo stvarnom prijetnjom narušavanja javnog reda i mira, odnosno zbog



Droga nađena u vozilu

uznemirenja javnosti.

Podsjetimo, službenici SIPA su u ponedjeljak, po naredbama sarajevskog Tužilaštva i Suda, uhapsili Zemani-

ća, Kondu, Mahovića i Misića zbog sumnje da su se kao organizovana kriminalna grupa bavili neovlaštenom proizvodnjom i prometom

opojnih droga.

U sklopu akcije je pretraseo više lokacija u Sarajevu, a pronađeno je i oduzeto pet kilograma marihuane-skank, te kilogram spida.

Elvedin Zemanić je, podsjetimo, negirao da ima ikakve veze sa krivičnim djelom koje mu se stavlja na teret, te je ustvrdio da je samo ponudio prevoz do Stupa rođaku Mahoviću, koji ga je nazvao jer mu se pokvario automobil. Navodno je njegove navode potvrdio i Mahović, koji je sa sobom imao torbu u kojoj je pronađena droga. **M. M.**